

Design
mode...

চট্টগ্রাম নগরের পাহাড়তলী থানার বিটাক মোড়ে কিশোর গ্যাং গ্রুপের আধিপত্য বিস্তারের ঘটনাকে কেন্দ্র করে জোড়া খুনের ঘটনার মূল পরিকল্পনাকারী ফয়সালকে গ্রেফতার করেছে র্যাব। বৃহস্পতিবার হালিশহর এলাকার একটি বাসায় অভিযান চালিয়ে তাকে গ্রেফতার করা হয়।

র্যাব জানায়, পাহাড়তলীতে জোড়া খুনের ঘটনায় যারা অংশ নিয়েছেন তাদের সবার বয়স ১৬ থেকে ২৪ বছরের মধ্যে এবং সবাই কিশোর। পাহাড়তলীর কথিত বড় ভাই ইলিয়াছ মিঠুর অনুসারী এসব কিশোর ও তরুণরা চলাফেরা করত বন্ধুর মত। ইলিয়াছকে সবাই বড় ভাই বলে সম্বোধন করত। সিরাজুল ইসলাম শিহাব ও বন্ধু রবিউলের মধ্যে সামান্য ব্যাপার নিয়ে কথা কাটাকাটি ও হালকা মারামারি হয়। ওই ঘটনার মীমাংসা করার কথা বলে দু'পক্ষকে ডেকে রাত আটটায় বৈঠকে বসে 'বড় ভাই' ইলিয়াছ। ওই বৈঠকে ইলিয়াছের সামনেই বেদড়ক পিটুনি ও ছুরিকাঘাত করে মাসুম ও সজীব নামে দুই যুবককে খুন করে ফয়সাল ও রবিউল বাহিনী।